

Göast im Ruda ¹⁾

Uf Knopf bringt Bricht vom Rudobur do Kneacht,
ar seit: „As tuot im Ruda numma reacht.
Hai, healfod, Hannos Jeossos Christ!
Do Stoufo Schwitzar eotz scho widor ist
bi üs im Ruda gsi, im Hus,
und sidot²⁾ goastat as, as ist a Grus!
Do Stoufo Schwitzar heat scho lang a Gall,
an stillo Vadutz³⁾ an Rudobur all;
weag Olgan, sir Schwöstor, heat ear a Rios⁴⁾.
Do Rudobur, seit ar, hei Gealt wi Kios,
oatweador⁵⁾, so mööß ar, dött blib ar dorbei,
dom Schwitzar bald säga, worom ar hei
zmol 's Jo-Woart omm-gstando, 's Nohpreat gmacht
sir Schwöstor, jo odor sus hei ar 's Reacht, |schleacht⁶⁾
meh Röüschick⁷⁾ z' vorlangit, wi(l) dear sei z' klenn,
wo dozumol zahlt hei do Bur, und wenn,
mi Bur nid geab me, vorhäx ar om 's Hus.
Fürwohr und mior kennod is nümma-n-us.
Zwo Küoh im Stall unn hangad a uom Bänt⁸⁾,
do Bur heat a Krankat, wo niomig kennt,
nid freasso will 's Veah, ko Höü und ko Schlot⁹⁾,
do Rudobur blägat¹⁰⁾, ar woabt om kon Rot.
Und 's Veah gitt eotz Milk sa rot as wi Bluot,
as't gli, ma töü beatta¹¹⁾, as't gli, wa(s) ma tuot. —
Und hüt nach om Mealko, so lo-n-e ou stoh
do Katza-n-an Stöorzlig¹²⁾ voll Milk, und will goh.
Do krücht uf uosmol a Schlango-n-in Gang,
braits armdick und noh gär¹³⁾ an Reacho-Stil lang.
A Krönile heat se am Kopf kio, a Kruo¹⁴⁾,
heat Ring om o Lib kio us grüo-lächtom Buo¹⁵⁾,
Si is zum Stöorzlig zuoche krocho gschneall,
heat rote Milk drus glappat¹⁶⁾, pfnitzt¹⁷⁾ ganz heall,
denn heat se d' Schlango-n-ufgestellt uf o Schwanz,
heat uosmol Schröa glo¹⁸⁾, hohl und hoasor ganz:
„Arlösod me us miro große Pi¹⁹⁾,
sus muoß e nomol hundort Johr lang si
a Schlango. Gweochos²⁰⁾ Wassor tröpfliad mior
is Mul a klä, ih wär arlöst dorfür.“
Vom Rudobur do-n-Ähne²¹⁾ heat fürwohr